



UNIVERSITÄTS-
BIBLIOTHEK
PADERBORN

Universitätsbibliothek Paderborn

Thesavrvs Sacrorvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimè explicantur

Gavanti, Bartolommeo

Antverpiæ, 1646

De Dominicis post Octauam Epiphaniæ. VIII.

urn:nbn:de:hbz:466:1-40233

poni Officium Dominicæ 23. eo casu, in Officio nouem Lectionum in Sabbato fit commemoratio de Dominica 23. cum nona Lectione, vt expressè habet Rubrica *de Dominicis num. 4. in fine.* ergo & eodem modo satis est, si fiat hoc loco. In secundis autem Vesperis prædicti Patroni concurrentibus cum die Octaua Epiphaniæ fit commemoratio tantum de die Octaua, vt in Rub. *de Concurr. Officij num. 2.* Quæ verò dicimus de Patrono, eadem dicitur de Titulari Ecclesiæ, vel eiusdem Dedicatione, ex Rubr. 11. num. 7.

10 Lectiones Epistolæ primæ ad Corinthios, ex Decreto Gelasij, ponuntur in Dominica ipsa prima post Epiphaniam, non in Officio Dominicæ, si fiat in Sabbato; quia initia librorum Scripturæ, quoad eius fieri potest, magè congruunt diei Dominicæ, quæ est initium Hebdomadæ: & hoc in vñ fuisse, vt à die Natiuitatis legatur Apostolus, tradit Ruper. *lib. 4. de Diuin. Offic. cap. 6.*

11 Dies Octaua Epiphaniæ de Baptismo Christi est, Amal. *lib. 4. cap. 34.* & antiquum Officium de Baptismo erat; nunc autem Euangelium tantum habetur. Semiduplex erat Officium in Breuiario edito Venetijs anno 1521. nunc est Duplex.

12 Quando Epiphania Domini occurrit in Feria tertia, accidit in Sabbato ad Vesperas, quod pro commemoratione Epiphaniæ dicitur Antiphona, *Omnes de Saba venient:* & in hoc casu mutatur Versus, ne eadem Antiphona cum Versu sit idem. Dicitur autem Versus de Laudibus Epiphaniæ, *Adorate Deum, &c.* si occurrit Feria 2. in primis Vesperis diei Octauæ, pro commemoratione Dominicæ dicitur Antiphona, *Fili, &c.* cum *ψ. Omnes de Saba.*

De Dominicis post Octauam Epiphaniæ.

C A P. V I I I.

1 **D**ominicæ post Epiphaniam vsque ad Septuagesimā vel ad summū sex, vel ad minimum vna esse possunt; & ideò positum est Officium sex Dominicarum. Quò propior est vel remotior Septuagesima, quæ à Paschatis mobilitate pendet, eò plures vel pauciores sunt Dominicæ infra hoc tempus: quæ supersunt, transferuntur post 23. Dominicam post Pentecosten. qua de re nos egimus suprâ Sect. 3. *cap. 5. pag. 25.*

2 De Dominica secunda post Epiphaniam semper fit Officium ante Septuagesimam, saltem in Sabbato præcedente eandem Septuagesimam; vel in die prima post Octauā Epiphaniæ, Microl. *cap. 41.* translato, si opus est, Festo Semiduplici, & hoc duplici de causa; Primò, vt ordine historico seruatò de vita Christi, legatur, post eiusdem Baptismum, primum miraculum in Cana Galilææ factum, antequam quidquam aliud in sequentibus Dominicis de eo narretur. Secundò, vt Officium & Responsorialia Dominicarum post Epiphaniam semel dicantur suo proprio tempore, nec omitantur omnino. De quibus Responsorijs è Psalmis meminit Amalar. *de Ord. Antiphon. cap. 27.*

3 Dices: In prædicto casu quodnam Semiduplex erit transferendum, vt eo die fiat de Dominica secunda post Epiphaniam? Respondeo, in Ecclesia vniuersali Festum S. Hilarij transferendum erit in diem 23. Ianuarij, quidquid alij notarint in Calendarijs, S. Hilario parentes; quia in

Rubrica propria dicitur, *Prima die post Octauam*. Videbatur tamen parcendum S. Hilario, qui in primis Vesperis participare solet de proprio die in quo obiit, magis quam S. Paulus Eremita, qui obiit infra Octauam Epiphaniae; sed verba Rubricae sunt attendenda simpliciter, quae generatim posita sunt iustioribus de causis, & praesertim ad faciliorem executionem.

4 Quid si Festa omnia per Hebdomadam sint duplicia? eo casu erit satis commemoratio fieri Dominicae 2. in Sabbato; & omittuntur Responsorio de tempore.

5 Si Octaua celebretur in ea Hebdomada, tunc fiat prima die de Feria, quia dies infra Octauam cedit Semiduplici; ergo & à fortiori etiam huic Officio Dominicae 2. sed omittendae tamen erunt Praeces cum Suffragijs ratione Octauae.

6 Epistolae S. Pauli, quae non possunt legi in primo Nocturno, seu in feriali Officio, infra hoc tempus vsque ad Septuagesimam, eo anno omittuntur: quia vnus liber omnium Epistolarum S. Pauli tamquam vnus auctoris reputatur; & antiquiores non legebant de Epistolis Pauli, nisi vsque ad eam quam ille scripsit ad Ephesios inclusuè.

7 Officium Dominicae 3. vel 4. vel 5. vel 6. si post Epiphaniam minus habeat locum, neque item post Pentecosten; de ea, quae locum vllibi non habet, fiat Officium in Sabbato, vel in alia Feria praecedenti, non ad libitum, sed impedito Sabbato ob Festum nouem Lctionum, & non trium B. Virginis: vel fiat commemoratio saltem in Sabbato, ne prorsus omittatur, vt in Rubr. de Dominicis num. 5. quae remittit nos ad formam datam in numero quarto ibidem. Quod si in Feria pra-

dicta fiat de Festo Semiduplici translato, satis erit, quod in Sabbato fiat commemoratio Dominicae vt supra, ne translato Semiduplici sine necessitate adhuc vltra transferatur, vt decretum est in postrema recognitione Urbana Breuiarij. nulla enim est necessitas, quando saltem in Dominica 2. dicta sunt Responsorio de tempore.

8 Dominicae sextae Officium cum suo Euangelio est de nouo iure Pij V. in qua antiquiores reperebant Officium Dominicae quintae post Epiphaniam.

De Septuagesima, & Dominicis sequentibus.

C A P. I X.

1 **D**Eponitur in Septuagesima *Alleluia*, bis eo cantato & repetito in fine primarum Vesperarum Dominicae, ex Decreto Alexandri II. vt ait Microl. cap. 47. & Baron. ann. 1073. qui ritus in Martyrologio ad Primam pronuntiatur; & deponitur cum reduplicatione, ad maiorem significationem, & emphasim.

2 *Alleluia* significat Christum, sine quo nunc representatur genus humanum, ob peccatum Adae, de quo fit mentio principalis in Septuagesima, Ruper. lib. 4. cap. 5.

3 Pro *Alleluia* dicimus humiliori Latina Lingua, *Laus tibi Domine*, &c. ex Alcuino: quia temporis congruit humilitas, ob memoriam peccati originalis. A Musicis pro *Alleluia* dicitur *In aeternum*, Io. Belet de Diuin. Offic. cap. 79. sed à recitantibus Officium omittitur *Alleluia* in Antiphonis, vbi est, & eius loco nihil dicitur.

4 Inuitatorium *Præoccupemus* anticipatur in Septuagesima à Pio V. cum sit